



UNIVERSITÄTS-  
BIBLIOTHEK  
PADERBORN

## **Davidis Regii Prophetae Psalterium**

**Moritz <Hessen, Landgraf>**

**Smalcaldiae, 1593**

**VD16 B 3258**

Psalmvs XXXIII. Exultate iusti in Domino, &c.

---

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Hisce meis oculis te recto in tramite ducam :  
Omnia ut ex nutu stentq; cadantq; meo.  
Cur mulis fieri similes stupidisq; caballis  
Vultis, ut os vestrum dura lupata doment ?  
Impius ut pœnas cumulat sibi, sic pietatis  
Gaudia cultorem non peritura manent.  
In Domino exultet gens & sit leta piorum,  
Concinat hymnisonis dulce melosq; modis.*

PSALMVS XXXIII.

Exultate iusti in Domino, &c.

**G**audete iusti, laudibus  
Decentibus pii: Deum,  
Ornate grato pectore,  
Referre grates discite,  
Huic instrumenta Musica  
Canant sonora carmina,  
Huic canticum fundant nouum  
Psalteriorum iubila.  
Jehoua agamus gratias,  
Huiusq; sermo rectus est,  
Promissa nec cœlestia  
Incerta, sed fidelia

H 3

Sunt,



Sunt, æquitatem diligit  
Pater benignus: arbiter  
Clementia terram replens.  
Verbo Dei sunt conditi  
Cælestium orbium poli,  
Orbesq; lucidi ætheris,  
Et spiritu oris illius  
Creatus est exercitus  
Cæli, serenis noctibus  
Micans nitensq; splendide.  
Deus sonoras congregans  
In utre ceu clausas maris  
Aguas, reponit in suis  
Reconditis cubilibus,  
Firmatq; certis terminis  
Circundatis æquor fluens.  
Hunc maximus timens Deum,  
Orbis colat, mortalibus  
Terra incolis pauentibus  
Ad Numinis vocem sui.  
Quæ precipit cæli potens  
Hic conditor, seruanda sunt.  
Laudent eum gentes piæ,

Quæcunq;



Quaecunq; vult, vocat, iubet,  
Idemq; mutat dissipans.  
Consulta qua sunt, gentium,  
In publicis congressibus,  
Et cogitata callidè  
Infringit, ut sint irrita.  
Veri statuta sed Dei  
In sempiternum permanent,  
Duratq; cogitatio  
Diuina seclis omnibus.  
Beatus ille cœtus est,  
Solum Deum qui diligit.  
Beata gens mortalium,  
Hoc unicum numen colens.  
Celfo parens ab æthere  
Observat orbis incolas.  
Et è throno suo Deus  
Mentes regit mortalium,  
Scrutatur acta fortium.  
Non fortitudo brachii  
Regis potentis adiuvat,  
Nec sæua moles corporis  
Iuvat gigantes efferos.

Nec



Nec ponderosa vastitas  
Iruces Cyclopes liberat.  
Qui fortibus fidunt equis,  
Dant terga, risus hostibus.  
Sed qui Jehouam maximum,  
Piis colunt honoribus,  
Hos adiuvat potentia,  
Hos fortitudo brachii  
Dei potentis liberat:  
Hos morte saua subtrahit  
Verbi Dei redemptio:  
Fame hos vesana liberat  
Diuina prouidentia.  
Expectat ipsum sedulo  
Mens nostra & unicum expetit.  
Adiutor ipse noster est,  
Hic umbo nostri pectoris,  
In hoc Deo gaudet meum  
Cor, atq; latum iubilat.  
Huius Jehoua in nomine  
Promissionum, quas dedit,  
Salute nos tua Deus

Et



*Et gratia complectere: ut  
Spes nostra te uno nititur.*

PSALMVS XXXIIII.

Benedicam Domino in omni &c.

**P**erpetuis Dominum celebrabo laudibus, omni  
Tempore materia est carminis ille mei.

Mens mea leta canet, nec vox benefacta silebit  
Ipsius, ut miseris gaudia certa feram.

Nunc Domini mecum vos tollite nomē ad astra,  
Dulcibus hoc hymnis predicet omnis homo.

Anxius hunc quando quesiui, exaudiit astans,  
Corde mihi eripiens ē pauit ante metum.

Ipsius auxilium quicumq; implorat, habebit:  
Ioua solet miseris ferre rogatus opem.

Ecce meas licet oppressi lacrymasq; precesq;  
Respicens, cunctis me eruit ipse malis.

Angelus en Domini sanctos defendit ab hoste,  
Nec sinit ille pios dura subire iuga.

Cernite gustantes, bonitas sit quanta Jehoua,  
Felix, qui scit ab hac se bonitate tegi.

Vos colite ergo Patrem rerum, sanctiq; timete,  
Nam bona res nunquam deficit vlla pios.